

# Predstavljanje Naučno-istraživačkog centra Ekonomskog fakulteta Brčko (NICEF)

U okviru trećeg po redu brčanskog “Biznis foruma” na temu “Dijaspora za partnerstvo“, koji se održava od 3. do 5. oktobra 2019. godine u organizaciji u organizaciji Vlade Brčko distrikta Bosne i Hercegovine i uz tehničku podršku Udruženja računovođa, forenzičara i revizora Brčko distrikta BiH kao i podršku Ekonomskog fakulteta Brčko Univerziteta u Istočnom Sarajevu, predstavio se i Naučno-istraživački centar Ekonomskog fakulteta Brčko.

Mr Dejan Tešić, rukovodilac centra, je prisutnim gostima u Gradskoj vijećnici Brčko distrikta održao prezentaciju u kojoj je fokus bio na radu, organizaciji i tehničko-naučnim potencijalima centra.

NICEF predstavlja novoosnovanu podorganizacionu jedinicu fakulteta sa specijalizacijom u okviru pružanja konsultantskih usluga, edukacija i izdavačkih usluga iz oblasti ekonomije, poslovnog upravljanja, statistike, finansija, računovodstva i šire. Misija NICEF-a je zadovoljavanje potreba korisnika u privatnom i javnom sektoru privrede kroz promovisanje i sticanje znanja i vještina neophodnih za suočavanje sa savremenim načinom poslovanja, a vizija postati lider iz oblasti edukacija i konsaltinga na teritoriji Brčko distrikta s tendencijom širenja na entitete u Bosni i Hercegovini.

